

痘科正宗驗方

上

午 42

1

共 2 册

光緒丁酉仲春



痘科正宗驗方

王氏怡亭註



兒科痘症順者不必治逆者不能治可治惟險症耳
險症治之得法則生不得法則不生是治法之不可不
精也內經未言及今行世諸書皆本之於諸瘡痛癢
皆屬於熱八字所以立意先言解毒聞方定用寒
涼其小兒父母聞之最為入耳寒涼似亦應然殊不

知痘瘡全以發透為吉起發必賴氣血滋培方能自
內達外齊苗灌漿結痂無非陽氣為主也寒涼則
血滯剋削則氣破血滯氣破毒氣乘虛深入此痘症
陷壘之所由來也譬之猪脬即尿胞若欲其脹滿必需
以氣充之散其氣立即陷戾此理相同顯而易見痘

之始終全憑氣血但得氣血充足則易出易結血氣不足
則變症百出痘之欲出陽氣蒸騰小兒發熱正是
痘欲見苗斯時氣虛者宜服補中益氣湯血虛
者宜服荆防地黃湯兼寒者宜大溫中飲或大補
元煎察其體氣虛實酌而用之所謂培補氣血

疎通經絡無不立奏全功時師不明此理妄言
用補太早則補住毒氣乃愚陋之見也不知補中
即所以托毒灌根即所以發苗萬無補住之理
且有散藥在內此實先哲治痘之心傳高明者必
以為然淺學者何能窺其萬一要之治痘之法總

不外乎虛寒實熱四字何者為虛寒凡小兒向日氣體
薄弱面色青黃唇淡畏寒大便糖而不結小便清白
飲食減少或不甚消化等症知腹中火少出痘時必難
灌漿亦難結痂氣血不足之故是名虛寒速宜溫補
元陽以防變症也何者為實熱或小兒氣體壯實飲食

易消出痘時大便結而燥小便赤而臊口鼻中出氣如火
惡熱喜涼是名實熱察明果是內熱方可暫行清
解荆防地黃湯用生地加大黃二三劑而火退矣然不
可以虛火誤認為實火察虛火實火之法全憑大小便
為主小便清白大便不燥身雖大熱乃是中宮有

寒火無所依浮而在外悞服寒涼亦有此症不得以身
熱便認為實火虛火者十中八九實火者數十中一二耳

痘有四宜

一宜補氣真陽充足方能送毒出外以成痘倘痘頂
不起皆元氣不足之故宜服黨參白朮黃芪甘草以補之

二宜補血真陰充盛方能隨氣到苗以成漿空壳無膿
皆陰血不足之故宜於補氣藥加熟地當歸丹參川
芎之類等藥以補之

三宜補脾腎脾土壯健氣血自充
飲食減少口淡無味皆脾虛之故須脾腎雙補即於前
氣血藥中加枸杞故紙附子肉桂痘瘡自無陷殤之患

四宜察虛實小兒飲食有味二便如常不服藥最為
穩當設或灌漿不滿燒漿不乾必察其氣分血分何處
虧虛照症調補不可妄用涼藥必口鼻臭尿臊便結有
實火可據者方可暫行清解

痘有四忌

一忌清熱敗毒胎中陰毒必賴陽氣托送方能發出陽

氣被清陰毒內歸痘之壙陷實由於此是連翹生
地黃芩澤瀉等藥非有實火者萬不可用 二忌
剋伐氣血 氣血充暢痘易成功剋削下咽中氣虧而
毒乘虛深入泄瀉壙陷諸症作矣是大黃芒硝山甲
山查等藥在所必禁者也 三忌妄投醫藥小兒出

痘延醫曾診治求其有益也豈知近代醫師不分虛實
總是涼藥毒輕者幾死毒重者不生是以不如不服藥
之為妙客問曰痘之順症可以不藥我知之矣痘之險症
可以不藥乎余曰若純用涼藥以治險症但見治死未
見治愈也客猛然省悟而去

四忌吞服醫家小兒藥

近代痘師所帶小丸總是巴豆丸彼以為痘是胎毒巴豆
下行自必可以瀉去之豈知中虛下陷性命休矣小丸數粒
斷非溫補氣血之藥即抱龍牛黃等丸亦與痘症大有
妨碍是以最不可悞服親友處受此害者甚多目擊心
傷故特表而出之耳至於前人所製人牙散獨聖散雞冠

血柔蟲之類逼毒外出旋即收陷皆非正理何曾見
其治愈一人斷不可用總由發熱起痘者乃胎中之陰毒
也必賴陽氣以成之小兒出痘大約發熱三日肌肉鬆透然
後能見苗點苗齊熱退乃真陽內伏交曾於陰復發熱
三日是運水到苗以成清漿漿足熱退及至養漿真陽

外出發熱三日化毒以成膿膿成熟退而陽伏毒既
化膿又必發熱蒸乾方能結痂痂落後真陽外出蒸
化紅點謂之燒斑倘有黑斑乃是火衰並非因吃鹽醬
之故所謂痘稟於陰而成於陽也如此治痘之法始終當
以補氣血扶陽氣為第一義用藥以溫補少加發散為

首務否則氣不足則痘頂不起火不足則漿不稠且
恐厥逆腹痛陰寒起而壞症作矣或問曰痘宜溫補
此理甚明若兼發散豈不傷氣不知純用散藥汗
多則傷氣少加發散藥於溫補藥中則血脉疎通
痘瘡易出無壅滯之患受解散之功所以古方補